

Christo Domino disponente, regendum, cujus jurisdictioni et jugo sui regiminis nos, nostrumque locum tradimus disponendum, secundum canonum et inconvulsum totius Ecclesiae privilegium. Est quippe, uti in promptu habetur, generosi stemmatis prosapia ortus, peritia non modo sacrarum litterarum, verum et mundanarum industria legum admodum eruditus, jejuniis, vigiliis, et orationibus, ac cunctis misericordiae insignitus, probatissima morum honestate praeclarus, omnium virtutum matre discretionem pulcherrime redimitus, luculentissimi etiam eloquii, et apprime disertus, quantum quoque humanae fragilitas conditionis admittit, omni bonitate manet conspicuus. Igitur pro tot et tantis caelestium charismatum donis, sibi superno munere collatis, Spiritus sancti cooperante gratia eligitur ad culmen officii pastoralis, non solum a nobis praebitatae Ecclesiae filiis, verum etiam a diversae conditionis plebe cohabitante intra et extra nostrae moenia urbis, quam prosequitur etiam innumera populi multitudo adjacentium regionum, diversi sexus et aetatis. Qui omnes pariter intimis praecordiorum affectibus, et multiplicibus efflagitant votis, istius nostri electi personam, Jesu annuente Domino, sublimari infula pontificali Cabilonicae sedis. Plerique etiam illustres, et praenobiles ecclesiarum Dei rectores existunt quoque legitimi fautores istius nostrae electionis. Videlicet dominus Gibuinus archipraesul eximius sacrosanctae cathedrae Lugdunensis; dominus etiam Agano, antistes venerandus ecclesiae Heduenensis, una cum reverendis caetibus, utrorumque regimini, Christi Domini gratia providente, commissis. Religiosus etiam praesul D. Laudricus

A Ecclesiae Maticensis, cum reverenda concione ejusdem cleri, annuit et favet multiplici favore, in laude istius canonicae nostrae electionis sperans in Dei misericordia, sibi suaeque Ecclesiae subveniri in celebratione talis tantaeque ordinationis. His siquidem eximiis jam satis pontificibus, annectuntur illustres caenobiorum patres, huic profecto electioni votis faventes omnibus: inter quos nimirum exstat dominus Hugo sacri caenobii Cluniacensis abbas revera celeberrimus, simulque venerandus loci Trenorchiensis rector dominus Petrus, praesidens quoque abbatiae B. Petri Cabilonicae urbis dominus Raynardus, una cum reverendis patrum utrorumque locorum concionibus, sub monasticae tirocinio disciplinae in Christi nomine militantibus. Qui omnes procul dubio, toto annisu mentis idonei existunt auctores, et legitimi corroboratores totius electionis. S. Gausleni matris nostrae ecclesiae decani, S. Almarici Lingonensis dec., S. Gotselmi archidiaconus, S. Hugonis Portensis, S. Engilberti, S. Gausfredi, S. Landrici archipresb., S. Guillelmi, S. Petri, S. Caroli, S. Bernardi, S. Roberti, S. Lamberti, S. Hugonis, S. Letardi archipresbyterorum, S. W. Vernensis, et matris ejus Adelaidis, S. Valtherii Neblensis, S. Dalmasii de Giniaco, S. Bernardi de Porta, S. Gotseranni, et Idmari fratris ejus, S. Duranni archipresb., S. Ademari, S. Roberti, S. Jotsaldi. Acta est haec ecclesiastica et generalis electio anno Incarnati unigeniti Verbi 1080 praesidente divina dispositione Romanae sedi excellentissimo papa Gregorio: scepra quoque moderante regni nobilissimo regum Philippo; consulatu Cabilonicae urbis tunc temporis manente absque terreno principe.

## WALTERII DIPLOMATA.

(*Gall. Christ. nov.*, IV, Instrum., p. 231 seqq.)

### I.

*Charta Walterii Cabilonensis episcopi de acquisitione partis comitatus Cabilonensis a Saverico comite Cabilonensi.*

(Circa annum 1096.)

In nomine summæ et individuae Trinitatis, Patris, et Filii, et Spiritus sancti, amen. Quoniam humanae mentes erroris sui caligine nonnunquam veri notas amittunt, sed et hominum dicta vel facta vetustas ab humana memoria abolere solet, nihilque illiteratum in diuturna cognitione habetur; idcirco ego Walterius Cabilonensis Ecclesiae episcopus conventionem, quam ego et canonici nostri cum Saverico Cabilonensi comite habuimus, litteris et memoriae mandare [mandari] curavi. Notum sit igitur omnibus tam posteris quam praesentibus, quia, quo tempore Gaufridus de Dunziaco Hierosolymam tendere

D vellet, qui partem mediam comitatus Cabilonensis possidebat, quem cum Widone de Tyhæra [*al. de Thies*] partitus fuerat, partem suam comitatus supradicti [*al. supradicto*] domno Saverico avunculo suo vendere disposuit. Venit igitur ad nos Savericus cum uxore sua, rogans ut partem ipsius medietatis, quam emebat, ab se in vadio reciperemus, et ipsum de pecunia quam solvebat, juvaremus. Nos autem ea inducti spe, ducentas uncias auri purissimi, quarum singulae pretii quadraginta solidorum fuerant, de moneta, cujus media pars argentea erat, quam nos de tabula sancti Vincentii corrasimus, domno Saverico accommodavimus, et vadium, quod nobis offerebat, ab ipso recepimus, ea videlicet ratione, ut ecclesia sancti Vincentii reddituum tam justorum quam injustorum ad partem Gaufridi sive Saverici successoris sui pertinentium medietatem in

pace possideat infra istas terminaciones, a crucibus trans S. Marcelli villam constitutis usque ad portum Luci, sicut Falieta [Talieta] defluit a ponte Droti [Doret.] usque ad pontem Campiferreoli, et sicut tota terra illa protenditur usque ad Forestam, quam canonicalem [al. canonicam] Vabriam vocant, usque ad prædictas cruces, præter casamenta militum et castelletum atque ipsos quos habet in dominio servientes, et præter capturas illas, quas in rebus monachorum ecclesiæ Sancti Marcelli juste vel injuste fecerit. Ipse etiam Savericus exactiones omnes ac consuetudines justas vel injustas quas se dicebat habere in villa sancti Isidori et in Gemula et ipsarum villarum appenditiis ex toto Werpivit et condonavit. In curia vero [al. tamen] Sancti Isidori reditum suam retinuit, eo pacto ut canonicos vel rusticos eorum non gravaret, et quod inde solidam pacem et firmam Cabilonensi Ecclesiæ teneret, præsentate domno Goceranno [al. Joceranno] Lingonensium episcopo et Falcone de Reione [al. Fulcone de Reone] et Hugone Bajacensi [Baracensi], Savericus se tenere pacem perpetuam juravit et uxor sua quemdam militem Arbertum nomine pro se jurare præcepit; et ut pax ista firmior haberetur viginti obsides Savericus misit, eo modo ut si ipse Savericus aut quilibet suorum aliquid inde abstulerit, nisi infra quadraginta dies in quibus cum eo ratio posita fuerit [al. ratio composita fuerit], capitale reddiderit, ambitu murorum urbis Cabilonensis non exibat, nisi illa prolongatione, quam Cabilonensis episcopus vel ejusdem ecclesiæ decanus cum aliis duabus personis fecerit. Hanc vero pactionem si prædictus Savericus exsecutus non fuerit, postquam obsides a canonicis vel ab episcopo convent. fuerint, aut capitale infra dies quadraginta reddent aut capti tandem in prædicta urbe manebunt, donec ablata restantentur. Hanc etiam conventionem Savericus Simonem filium suum cum uxore sua, sed et Arvænum filium alterum laudare fecit; de obsidibus vero hæc lex data est ut ubi unus mortuus fuerit, alter in loco ejus mox subrogetur. Signum Gauceranni [al. Joceranni] Lingonensis episcopi S. Falconis de Reione S. Hugonis Bajacensis [Baracensis] S. Humberti de Villiaco S. Raimundi Gumbadi S. Hugonis Rodulfi S. Vidonis de Monte Falconis.

## II.

*Notitia foundationis Cistercii.*

(Anno 1098.)

Notum sit omnibus Christicolis præsentibus atque futuris, quod Rainaldus Belnensis vicecomes et uxor ejus Hodierna nomine, et eorum filii Hugo, Humbertus, Rainardus, Hagano, eorumque soror Raimundis, pro suorum peccatorum remissione suorumque antecessorum, domino Roberto et fratribus, qui cum eo regulam sancti Benedicti arctius atque fidelius, quam illuc usque tenerant, observare cupiebant, contulerunt de prædio suo, quod antiquitus Cistercium vocabatur, quantumcumque ipsis et eorum successoribus Dei famulis, ad monasterium et

monasterii officinas construendas, ad arandum quoque, imo ad omnem usum necessarium fuerit. Unde ipse Rainaldus et ejus uxor de cujus patrimonii jure idem alodium ipsi provenerat, ac filii eorum prænominati, donum fecerunt legitimum ad opus ipsorum, Deo imprimis, ac specialiter beatissimæ Dei genitrici semperque Virgini Mariæ, in cujus honore locus qui nunc Novum Monasterium dicitur, consecratus est, situs in territorio præfati Cisterciensis abodii. Et quia ejusdem loci ecclesiam, quam illuc usque tenerat, quæ divini tantum juris est, abbas et reliqui fratres de manu ipsius, quia laicus erat, suscipere minime duxerunt dignum, dimisit eam, atque ab omnimoda ejus ulterius possessione renuntians, prædictis fratribus ad Dei servitium dereliquit. De residuo quoque ipsius terræ, quod dicto Rainaldo placuit retinere, fecit Odo dux Burgundie ad illius concessionem et libitum talem cum eo commutationem et pactum ad opus eorumdem monachorum, ut scilicet pro terra illa singulis annis in castro Belnensi solidos xx susciperet tam ipse quam et ipsius post eum hæredes. Propterea in eadem cambitione concessit ei ac filiis suis ipse dux quantumcumque vinearum in pago Belnensi poss. et plantare et colere in propria dominicatura. Retinuit autem idem Rainaldus duos servos ejus in alodio, Theodoricum atque Martinum, et ancillam quandam Osannam nomine, de terra quoque ipsa quantum eis in proprios usus ad colendum sufficit. Illi autem terram tantummodo excellent quam ipse dux ac sæpefatus Rainaldus, ejusque uxor, si adesse voluerit, domnus quoque abbas ipsis dividant et assignabunt, in parte scilicet remota a monachorum cultura. Postea cum dedicaretur ecclesia. Novi Monasterii dux ipse et Rainaldus cum uxore sua, inde iterum donum fecerunt in conspectu multæ plebis quæ aderat, in manu domini Walteri Cabilonensis episcopi ad usum supradictorum fratrum, quatenus ipsi sub tutamine sui pontificis a potentia laicali et omni strepitu sæculari liberi, servitio sui Creatoris quietus vacarent. Ipse vero dux tam in nemore præfato cœnobio conjuncto, quam in omni circumquaque dominicatura sua usuarium plenissimum eisdem fratribus attribuit. Huic commutationi D suprascriptæ et dono interfuit Hugo filius ducis qui et idem concessit, sed et frater ejus Henricus hoc idem postea concessit. Adfuerunt etiam testes infra subscripti, Hugo de Monte S. Johannis, Gualo de Salvia, Seguinus de Belna et filius ejus Hugo, Hugo de Granceio, etc.

## III.

*Litteræ Gualteri episcopi Cabilonensis ad Robertum Lingonensem episcopum. de recipiendo Roberto abbate quondam Cisterc. ad suum prius cœnacium Molismense revertente.*

(Anno 1099.)

Dilectissimo fratri et coepiscopo ROBERTO Lingon. episcopo, GUALTERUS Ecclesiæ Cabilonensis servus, salutem. Notum sit vobis fratrem Robertum, cui ab-

batiam illam in nostro episcopatu sitam, quæ Novum Monasterium dicitur, commiseramus, a professione quam Cabilonensi Ecclesie fecit, et ab obedientia quam nobis promisit, secundum domini archiepiscopi Hugonis definitionem, a nobis esse absolutum. Ipse autem monachos illos, qui in præfato Novo Monasterio remanere decreverunt, ab obedientia, quam sibi promiserant, et professione, absolvit, et liberos dimisit. Illum igitur amodo suscipere, et honorifice tractare ne vereamini. Valde.

## IV.

*Litteræ ejusdem Gualteri ad Paschalem papam pro monasterio Cistercii.*

(Anno 1100.)

Venerabili Patri papæ PASCHALI, GUALTERUS Ecclesie Cabilon. servus, salutem et debitam subjectionem. Sicut sanctitas vestra, etc. *Vide in Paschali II.*

## V.

*Walterius episc. Cabilon. et Jarento Divionensis abbas ineunt societatem inter se et congregationes sibi commissas.*

(Anno 1111.)

In nomine Christi cum omnia bona fidelium per unitatem fidei, vinculum charitatis, communia generaliter habeantur, inter religiosos tamen mos antiquus obtinuit, ut speciali societate sibi invicem fœderentur, quatenus tanto sibi alterutrum devotius et in suis prosperis congaudeant, et in adversis condolcant, quanto se strictius colligat charitatis fœdere non ignorant. Quapropter notificamus presentibus et futuris, quam speciali familiaritate Cabilonensis et Divionensis Ecclesia sese mutuo colligarint, ut hujus dilectionis fœdus, quod Cabilonensis Ecclesia cum Divionensi cum magna devotione iniiit, et quod Divionensis a Cabilonensi cum magna gratiarum actione acceperit, nulla oblivionis vetustate apud posteros delcatur, nulla unquam discordiæ scissione rumpatur. Anno itaque Dom. Incarnationis 1111 dominus Walterius Cabilonensis episcopus, et domnus Jarento Divionensis abbas, talem inter se et congregationes sibi commissas societatem iniierunt, ut cum *brevis* de canonico Cabilonensi venerit Divionem, vel de monacho Divionensi venerit Cabilonem, statim pro eo fiat plenarium officium mortuorum; hoc est vigilia et missa, et eo die habeat præbendam. Præter hæc etiam statutum est, ut in hebdomada post Dominicam mediæ Quadragesimæ fiat apud utrosque pro utrisque generale officium et missa. Concessit præterea præfatus dominus Wal. episcopus domno abbati Jar. et omnibus successoribus ejus, unam canonicalem præbendam integram et quotidianam in ecclesia sancti Vincentii quam idem dominus abbas concessit monacho Divionensi apud sanctam Mariam commanenti, et ut monachus idem apud sanctum Vincentium septimanam faciat, et Divionensis ecclesia elemosynæ hujus causa, Cabilonensi ecclesie et corporaliter et spiritualiter pro posse servitium impendat.

## VI.

*Charta Valterii Cabilon. episc., qua S. Marcello dat ecclesiam de Boens.*

Omnibus in unitate fidei viventibus, Christique misericordiam præstolantibus, et verbi Dei pabulo mentis suæ arcana alentibus, sermo intonat divinus, quod ita dispensatio Redemptoris quibuscumque consulit ditibus, ut ex propriis rebus, quas transitorie possident, centuplicatum valeant acquirere fœnus, si modo eisdem bene utendo rebus, et quæ habent studeant erogare pauperibus, et quoniam, ut ait Apostolus, *non habemus hic manentem civitatem* (*Hebr. XIII, 14*), diesque nostri tamquam umbra præteriens quotidie evanescent, et voce Veritatis luce clarius constat omnem arborem, quæ non facit fructum bonum, excidi et in ignem mitti oportere (*Matth. VII, 19*), maxime nos qui præ cæteris prælati videmur, ut dum in hoc corpore sumus aliquid ex his quæ ad Dei cultum pertinent, eo adjuvante operemur, quatenus in futuro æternæ retributionis participes existere mereamur. Quapropter ego Dei gratia Walterius Cabilonensium episcopus, peccatorum meorum veniam et divinæ gratiæ pietatis misericordiam consequi desiderans, dono et concedo Deo et sanctis apostolis ejus Petro et Paulo ad locum S. Marcelli martyris Cabilonensis, cui præest dominus Hugo cognomento Beraldi monachus S. Petri Cluniacensis, ad cujus ordinationem idem locus spectare videtur, et fratribus in eodem loco Deo servientibus, ecclesiam de Boens cum omnibus ad eam pertinentibus, videlicet terris, pratis, silvis, aquis, ea conditione ut ipsi in perpetuum labcant, teneant et possideant, ac pro nobis Christi exorent clementiam: et quia eadem ecclesia pertinens est et subjecta ecclesie Sancti Vincentii Cabilonensis, ut videbatur, in capitulo generali ipso die inventionis sancti Vincentii cum consilio et voluntate canonicorum ejusdem ecclesie, domini videlicet Jotsaldi decani, Hugonis cantoris, Ansidei archidiaconi, Hugonis de Miliaco, Roberti de Mirmanda, Raimondi de Bussiaco, Rodulphi Signini, Stephani Bruni archipresbyteri, et cæterorum qui adfuerunt, majorum sive minorum, hoc donum factum est atque confirmatum dono mei annuli in manu prædicti prioris. Quoniam igitur a memoria cito labitur, quoniam non cito scripturæ traditur, ad munimentum possidentium, contraque quærelas invidentium, hanc chartam fieri voluimus atque mandavimus, nostraque auctoritate corroboravimus. Factum est igitur hoc donum in Cabilonensi civitate in capitulo canonicorum mense Septembri 1x Kal. Oct. anno ab Incarn. Dom. 1114 epacta xxiii, Ludovico rege Francorum regnante.

## VII.

*Donum Galteri episcopi Cabilon. sub Petro Firmitatis abbate.*

Notum sit omnibus quod dominus Galterius Cabilonensis episcopus, successor domni Jotsaldi præfate civitatis episcopi, post decessum domni Jotsaldi,

factus episcopus in capitulo coram canonicis Cabilonis ecclesie, in inventione scilicet S. Vincentii martyris, concessit ecclesie S. Mariæ de Firmitate in manu domni Petri abbatis ejusdem ecclesie, qui

A postea factus est archiepiscopus de Tarentasia, medietatem paratæ quam habebat pro ecclesia S. Ambrosii in perpetuum. Hujus rei testes sunt Raimundus archidiaconus, etc.

ANNO DOMINI MCXV.

# RADULFUS TORTARIUS

FLORIACENSIS MONACHUS.

## NOTITIA HISTORICA.

(*Histoire littéraire de la France*, tom. X, pag. 88.)

Raoul, surnommé *Tortaire*, c'est-à-dire de la Tourte, naquit à Gien-sur-Loire au diocèse d'Auxerre (MAB. *Ann.* I. LXXVIII, n. 45). Dès son enfance il fut instruit des arts libéraux, où il fit de grands progrès pour son temps. Ensuite, dégoûté du monde, il embrassa la profession monastique à Fleuri ou Saint-Benoît-sur-Loire. Les études y étaient florissantes depuis le savant Abbon, qui les y avait renouvelées, et cette abbaye n'avait point cessé depuis de produire des gens de lettres, et même quelques célèbres écrivains. Dans le temps que Raoul en augmenta le nombre (*Gall. Chr. nov.*, t. VIII, p. 1555), on y voyait un Chrétien, un Hugues de Sainte-Marie et un Clarius : le premier célèbre par son grand savoir, et les deux autres par leurs écrits. Raoul y eut donc tous les moyens de cultiver et perfectionner l'amour qu'il avait pour les lettres. Aussi sut-il les mettre à profit si avantageusement, qu'il acquit un grand fonds d'érudition ecclésiastique et séculière. On prétend même qu'il possédait tout ce que les anciens et les modernes avaient écrit jusque-là. Il s'appliqua particulièrement à écrire en vers et en prose, et y réussit autant que tout autre écrivain de son siècle. La poésie ayant pour lui un attrait singulier, il la cultiva beaucoup, et avec tant de succès qu'il a mérité d'être regardé comme un poète au-dessus du commun (BOL. 24 Mart., p. 304, n. 9-11; BART. *Adv.* I. LII, c. 7). Mais ce qu'il y a de plus digne de louange en lui, c'est qu'il s'adonna tellement à l'étude, qu'il ne négligea aucun des devoirs attachés à sa profession. Il les remplit au contraire avec tant d'exactitude, qu'il était devenu le modèle de ses frères, l'ornement de sa maison et l'appui de la régularité. Sa vertu était si avantageusement connue, qu'on ne douta point que sa mort ne fût précieuse aux yeux du Seigneur.

Il est étonnant de ce qu'après qu'on a publié divers écrits de Raoul, dans lesquels on peut découvrir le temps précis à peu près auquel il florissait, les savants se soient partagés sur ce point

B en deux opinions aussi éloignées l'une de l'autre que contraires à la vérité du fait. Les uns, tels que Barthius et Vossius (BART. *ib.*; Voss. *Hist. lat.* I. IV, par. III, c. 11), ont supposé qu'il vivait dès le commencement du x<sup>e</sup> siècle, près de deux cents ans avant qu'il fût connu dans le monde. Les autres, nommément Oudin et autres modernes encore plus célèbres, prétendent qu'il vécut au delà de l'année 1144, et même 1160. Mais ceux-ci ne sont tombés dans cette erreur que pour avoir confondu Raoul Tortaire, avec un autre poète nommé Raoul et moine de Cluni, qui a fait l'éloge de cette illustre abbaye en vers, et vraisemblablement le même qui écrivit la Vie du saint abbé Pierre le Vénéral après 1156 (ORD. *Scri.* t. II, p. 1474; *Supp.* p. 455; MAB. *ib.*; LE BEUF, *Hist. d'Aux.* t. II, p. 486).

Il était cependant aisé de corriger ou même d'éviter ces deux erreurs, en lisant avec quelque attention le recueil des miracles de saint Benoît, fait par notre écrivain. Les partisans de la première opinion y auraient vu que Raoul y rapporte des événements arrivés sous Rainier, Guillaume, Veran et Joscerand, tous abbés de Fleuri au xi<sup>e</sup> siècle, et dont le dernier vécut jusqu'au commencement du suivant. Ils y auraient vu qu'il y parle de l'expédition de Guillaume IX, comte de Poitiers, à la terre sainte, qui ne se fit qu'en 1102, et que par conséquent il ne pouvait écrire qu'après cette date. Ceux qui sont pour l'opinion opposée, y auraient trouvé que Raoul ayant été présent à un miracle opéré en 1095, il se donne pour un homme fait, en disant qu'il se joignit aux autres pour en rendre grâces à Dieu. Or il y a bien loin de ce terme à l'année 1160 et au delà.

C'est sur ces indices que dom Mabillon, et Cave d'après lui, avaient d'abord jugé que Raoul florissait dans les premières années de ce xi<sup>e</sup> siècle, et que l'auteur de l'histoire encore manuscrite de l'abbaye de Fleuri, le croit mort dès 1107 (MAB. *ib.* I. XXXVIII, n. 10; *Act.* t. VI, p. 347, n. 22; CAVE,